


Maamowi Nakiingh awii Miigaajigaadeg Ezhiwebak Akiing Aanjisemigag



1.5°C Maanda gnimaa gaawii adaa nendaaksino gichi shpaamigag gindaasowin, dash owi gdo ezhiwebak akiing, aawon owi! Ezhiwebak Akiing gikendaasojig onji maziwe kamig bezhigwendamoog giishpin maziwe kamig ensa biboon epiichi zhiwebak woshme shpaamigag 1.5°C, agawaabmdaanaa gichi aanjisemigag owi gdo ezhiwebak akiing owi age maanaaji madookidaagemigag kina bemaadag maampii akiing!¹

Wegonesh owi enji ezhiwebak akiing epiichizhayaamigag awii ombishkaag? Giinwi onji. Amii gwa gagwek e'zhiwebak newen kina endoodamong minwaa e'nankiiying owi e-bigidinong bingwi miinwaa bkaan dnowaa bimiden (GHGs) zhiwe giizhigoong. Owi mina dibaajimowin aawon temigadoon niibna zhichigewinan age zhichigeyingh giinwi awii gonowendamong bimaadiziwin maampii Akiing onji newen myaanaadog madookidaagewinan owi ezhiwebak kiing aanjisemigag.


**Owi Mangodaasi Gagetinaamendamowin awii Naazhinigaadeg
Zyaagidaabitemigag jibwaa 2030**



Apii 2015, Ganaada agii wiijii-aan akiin owi noziwinkaadamowaad owi Paris Bezhigwendamowin. Maanda agii aawon GICHI bkinaagewin owi miigaajigaademigag ezhiwebak akiing aanjisemigag zaam agii adamoomigad kina 196 kiin gegetinaamendamoo agii naazhinamiwaad GHG zyaagidaabitemigag. Owi e'digosingh owi Paris Bezhigwendamowin, ensa bezhig kiin dowendaagoziwog awii zhisidowaad nda gashkitowin owi minik zyaagidaabitemigag age gajitowaad awii nigaasidowaad e'waawiindamowaad apii biboon.

Ganaada agii inigetinaamendamoo agii naazhinamiwaad ado GHG zyaagidaabitegin gnigen gwa 40% apii biboon 2030². Ganaada ada ginowaabmdaan owi zhichigaadeg woshme mashkowiziiwin bangi endaangh miinwaa wiigwaaman, zhoonyaa towaad owi baanaagwog mashkowiziiwin miinwaa daabaanag, miinwaa gagaandnigaaziwaad woshme nakiwinan awii zhitowaad nondaaj bingwi nikaaziwinan miinwaa zhichigewinan. Miinwaa age, awii gitigaanaa-aan woshme 2 billion mitigwog.

Ninda aawinon bangi newen zhichigewinan zhiwe gichi kiing gimaawin ezhiwebak kiing bimaakwiiwin naaknigewin. Gda gikendaan woshme owi gindaman [Owi Mina Bimaadiziimigag Aki miinwaa Mina Maajiingh zhoonyaa](#), dash gnimaa gdaa dowendaan awii ayaad netaawigid showewiingh awii naadimaag giishpin ayaaman gagwedwewinan.




Ekwa gaawii gego zyaagidaabitemigag apii 2050

Owi Paris Bezhigwendamowin goweta aawon bezhigoong owi gichi kiing gimaawin ado naaknigewin awii miigaajigaademigag ezhiwebak kiing aanjisemigag. Miinwaa age agii zhisidonaa-aa nenda gashkitowaad owi gashkitowaad ekwa gaawii gego zyaagidaabitemigag apii 2050.

Wegonesh owi 'gaawii gego zyaagaabitemigag' edamoomigag?

Apii maamowigindamong kina zyaagaabitemigag begidininamong zhiwe giizhigoong, miinwaa dash zhengidamon newen zyaagaabitemigag bimowingh, adaa aawon gaawii gego. Gegeti gwa. Gda gashkitonaa awii bimowingh zyaagidaapitegin onji giizhigoong!

Gamakwendaan ana owi nikiiyaa owi gichi kiing gimaawin naaknige awi gitigaanaad 2 billion mitigog e'digotemigag zhiwe ado ezhiwebak kiing bimaakwiing naaknigewin? Mitigooq miinwaa myaajiingh kiingh aapaji nishinon awii zhaabobiig, maage bimood, bingwi (owi gichi GHG). Maanda waasa ada zhaamigad naadmowaad Gaanada



Onji baamigag:

¹ Bezhig Wiindamaagewin: Maziwe Kamig Giizhowaag owi 1.5C. 2018
² Gichi Kiing Ogimaa Trudeau dibaajima ombishkaamigag ezhiwebak akiing.